



## CUM DEO!

**M**etaphysica, ut altissimè ordinar, agit & tum de Ente, tum de Entis affectionibus: ut autem corporis naturalis affectiones non sunt corpora, ita Entis affectiones non sunt Entia. Est autem Entis affection (seu Modus,) alia absoluta quæ dicitur *Qualitas*, alia respectiva, eaque vel rei ad partem suam, si habet, *Quantitas*; vel rei ad aliam rem *Relatio*, et si accuratius loquendo, supponendo partem quasi à toto diversam etiam quantitas rei ad partem relatio est. Manifestum igitur neque *Qualitatem* neque *Quantitatem* neque *Relationem* Entia esse: Earum verò tractationem in actu signato, ad Metaphysicam pertinere. Porro omnis Relatio aut est *Unio* aut *Convenientia*. In unione autem Res inter quas hæc relatio est dicuntur *partes*, sumtæ cum unione, *Totum*. Hoc contingit quoties plura simul tali quam *Unum* supponimus. *Unum* autem esse intelligitur quicquid uno actu intellectus, s. simul, cogitamus, p. g. quemadmodum numerum aliquem quantumlibet magnum, sæpe *Cæta* quædam *cogitatione* simul apprehendimus, cyphras nempe in charta legendo cui explicatè intuendo ne Mathusalæ quidem ætas sufficiens sit. Abstractum autem ab uno est *Unitas*, ipsumque totum abstractum ex unitatibus, seu totalitas dicitur *Numerus*. *Quantitas* igitur est Numerus partium. Hinc manifestum in re ipsa Quantitatem & Numerum coincidere. Illam tamen interdum quasi extrinsecè, relatione seu Ratione ad aliud, in subsidiū nempe quamdiu numerus partium cognitus non est, exponi. Et hæc origo est ingeniosæ Analyticæ Speciosæ, quam excusat in primis *Cartesius*, postea in præcepta collegere *François Schottentius*, & *Erasmus Bartholinus*, hic elementis Mathej eos univer-

B

satis,